



## Vita de ploania y de paisc

- **Rorate:** uniuns y grups é periés da aposté n Guldenomt cina en domegna ai **13 de november**. Al ven ince perié porsones y grups por abelí musicalmonter i Guldenomt. Chi co ess enteres da **soné o cianté pa n Rorate** é periés da se lascé adentene, ince cina en domegna ai 13 de november, pa maestra Brigitte.
- **Confermaziun: geniturs y toc y totes** dai mituns y dles mitans co s'arjigna ca al sacramont dla confermaziun é der bel enviés en **jöbia ai 17 de november ales 19:30 tal Istitut Ladin a San Martin** a na encuntada con **Markus Felderer** (directur dal ofize catechesa dai sacramonc y insegnamont de religiu). Tl'Alta Badia él belo sté y al á der plajü: al á fat na bona introduziun por jí deboriada con i crejimanc cösc tru. Porchel páiel la mea da tó pert!
- **Joneza/1:** al ven lascé alessei che le **consei nö dla Joneza** (SKJ) é motü adöm da Vera Fischnaller, Samantha Pallua, Elena Pescoll, Anita Rigo, Manuel Comploi, Dilan Pallua, Fidelis Ploner, Manuel Ploner, Daniel Willeit.
- **Joneza/2:** le grup SKJ d'La Pli organiseia na **ciastegnada dla joneza en vendres ai 18 de november** ales 19:30 sö dla Gran Ciasa. Le cost é de 15,00 € a ce, por la cena y les boandes pa mesa. Prenoté pón fina ai 13 de november pa Fidelis, ☎ 345 9498642.



## enformaziuns y termins

**Sorvisc ai Jogn:** le SaJ lascia alessei che al ven motü a jí en curs da fá sushi tal zenter dla joneza y dla cultura Saj.un a La lla. Le referent sará Matthias Pescolderung. Le curs ven tigní la sabeda ai 26 de november y la sabeda 3 de dezember, dales 14:00 ales 19:00. Cost de partezipaziun 40,00 € a ce; prenotaziun te Saj al numer ☎ 0474 523070 o 342 8410721.

**Referat/1:** „Pericoli in internet, aspetti legali“ con la Polizia Postala da Balsan, en dedolönesc ai 8 de november ales 19:30 tal salf di Stödäfüch a San Martin organisé dal grup de laur por le mobbing. L'internet é na cossa der ütla, nia plü da ponsé demez te nosta vita da vigne de, mo co ascogn ince n gröm de prighi. Porchel dará la Polizia Postala indicaziuns de ci che i geniturs, aduic y insegnanc pó fá, cai co pó ester i signai da meter averda, ci comportamonc co dess dé da ponsé y soradöt co che an dess se armere sce an ess da roé te na situaziun critica.

**Referat/2:** l'unión dai Paurs organiseia ai 11 de november ales 19:30 tal salf di Studäfüch a San Martin n referat cun le Dr. Benno Karbacher sora “La ierpejun de n lü da paur y döt ci co alda lapró”.

**Udienza dla defensuria zivica** Dr. Gabriele Morandell o de söa vize Dr. Verena Crazzolaro en vendres ai 11 de november dales 14:30 ales 16:00, a San Martin te Ciasa de Comun. Info ☎ 0471 301155 o Verena.Crazzolaro@volksanwaltschaft.bz.it

**Döt le bun a:** a düc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina al **dedemesaledema** sera a Franz Rigo: ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploian: **Signor Heinrich Perathoner**  
E-mail: [ploania@gmx.net](mailto:ploania@gmx.net)

Calogna AI Plan: **0474 501006**  
Radio de Ploania: **93,00 Mhz**

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann C

06.11.2016 - 32. domegna ia por l'ann

n. 50

## Le Dio dla vita

📖 **2 Mac 7, 1–2.7a.9–14 | 2 Tess 2, 16 – 3, 5 | Lc 20, 27–38**

### Dal Vangelo do San Lúca:

Te chel tomp <sup>27</sup>él gnü da Gejú valgügn Saduzês, co negheia la ressozeziun, y ai l'á damané: <sup>28</sup>Maester, Mosé nes á scrit dant: Sc'al mör n el co á n fre y lascia endô na era, zonza avei mituns, dess so fre maridé l'era y ti fá avei descendenc a so fre. <sup>29</sup>Al viea n iade set fredesc. Le pröm â tut na era por fomena, mo ea mort zonza mituns. <sup>30</sup>Spo l'â tuta le secundo, <sup>31</sup>dedô le terzo y ensciö ince i atri cina al setimo; degün n'â lascé endô mituns, canch'ai ea morc. <sup>32</sup>Ennultima él ince mort l'era. <sup>33</sup>De che sarára pa fomena dala ressozeziun? Düc set l'á pö albüda por fomena. <sup>34</sup>Danló ti á Gejú dit: Ma te cösc monn él ei y eres co se marida. <sup>35</sup>Chi che Idio endere arata degns de tó pert al ater monn y ala ressozeziun dai morc, ne se maridará spo nia plü. <sup>36</sup>Ai ne sciafia gnanca plü da morí, deache ai é desco angeli y tres la ressozeziun éσαι deventá fis de Dio. <sup>37</sup>Mo che i morc ressoresc, á belo Mosé indiché tla cuntíia dla trognora, canch'al nomieia le Signur Dio de Ábraham, Dio de Ísach y Dio de Iácob. <sup>38</sup>Al n'é pö nia n Dio dai morc, mo dai vis; deache por el éσαι düc vis.

### I ponsun do

*Cuntra la vita do la mort vegnel fat trepes obieziuns. Trec dij: degügn n'é ciamó gnüs zoruch. Ince i nemisc de Gejú met fora le creie te na vita do la mort desco na stupidité. Gejú endere ti enseña che la storia dal popul d'Israel é ma da capí sce Chelbeldio enstes vir y sce les porsones á en dagní ince do la mort.*


### I perium

*Beldio, ma tö pos scinché vita eterna. Renforza nosta fede tla vita do la mort - en comunité con te y con düc chi co s'é jüs danfora. Por Crist, nosc Signur.*

Wilhelm Egger “Sonntagsbibel”

📖 **Letöres dla 33. domegna ia por l'ann:**

**Mal 3, 19–20b | 2 Tess 3, 7–12 | Lc 21, 5–19**



**Edema liturgica dai 06.11. ai 13.11.2016**

**DOM 06. 32. domegna ia por l'ann** *Linert, Christina, Rudolf*  
**Domegna dles Animes - Dé dai Tomés**

**08:30 gran messa** por döta la ploania *oferta por i debojügnis dla ploania*  
**s.m.** por i tomés y pordüs te vera, comemoraziun te cortina

10:00 *s.m. a Al Plan*

**Lön 07.** *Engelbert, Ernst, Karina*

07:30 *s.m. a Al Plan*

**Ded 08.** *Gottfried, Gregor*

**07:30 s.m.** por + Ioanna Pedevilla, Terza/Australia  
**s.m.** por +tes Angela y Rita Willeit, Cianoré

**Dem 09.** *festa dla consacraziun dal basilica laterana, Roland*

**19:30 Zelebrazion dla Parora de Dio**

**Jöb 10.** *Leo le Gran, Iustus, Johannes, Eduard*

**19:30 s.m.** por les Püres Animes dal Purgatorio  
**s.m.** por +ti Milia Kastlunger, Alnei y Jan Ellecosta, Stifler  
**s.m.** por + Fortunato Agreiter, Alnei

**Ven 11.** *Martin da Tours, Marina*

07:10 *s.m. a Al Plan*

**Sab 12.** *Iósafat, Kunibert, Diego*

**07:30 s.m.** dal ann por + Irene Erlacher Pescoll, Plaza  
**s.m.** por vis y +ti dles families Rovara, Aroth

18:00 *s.m. prefestia a Al Plan*

**DOM 13. 33. domegna ia por l'ann** *beät Carl Lampert, Stanislaus*  
**dla Caritas** *Kostka, Eugen*

**08:30 gran messa** por döta la ploania *→ oferta por la Caritas*

10:00 *s.m. a Al Plan*

*ampola:* por düc chi co vir dalunc da ciasa

*ministronc:* ▶ da doman y domegna: Alexander y Natalie Comploi  
 ▶ da sera y domegna: Armin Taibon y Stefan Taibon

*i recordun:* Heinrich Paur, Roma + 12.11.2010

**Domegna dles Animes**



*Fredesc y sorus,  
 i n'orun nia ves lascé t'l'ignoranza porsora i morc,  
 por ch'i ne plüreise nia desco i atri, co n'á degüna speranza.  
 Sce Gejú – y cösta é nosta fede – é mort y ressori,  
 spo saral Idio, tres Gejú Crist,  
 co condüjará ince i morc deboriada con el tla gloria.  
 Deache cösc ves dijunse do na parora dal Signur:  
 Nos, i vis, ch'i sun restés endô por canch'al ven le Signur,  
 ne ti án nia danfora ai morc.*

*Ciodiche le Signur enstes gnará jö dal ci, canch'al gnará dé le comane,  
 l'arcangelo cherdará y la possauna de Dio sonará.*

*Empröma ressoriarál chi co é morc te Crist,  
 spo gnarunse nos, i vis, ch'i sun restés endô,  
 trasportés deboriada con ei sön i nii adancuntra al Signur tal aier,  
 y ensciö sarunse tres pa le Signur.*

*Consolésse önn l'ater con cöstes parores!*

*(1 Tess 4,13-14)*

**Dio, i te ringraziun por la vita de nüsc defunc y dijun:**

por vigne bona parora ch'i an podü aldí, ..... *te ringraziunse,*  
 por düc i segns d'amur co nes é gnüs scinchés, ..... *te ringraziunse,*  
 por döt le bun ch'i an podü pié do, ..... *te ringraziunse,*  
 por döt le bel ch'i an podü vire deboriada, ..... *te ringraziunse,*  
 por dötes les crusc co nes á fat cresce adöm y madorí, ..... *te ringraziunse,*  
 por la fede che nüsc defunc á testimoníe, ..... *te ringraziunse.*

**Tö es n Dio dla vita:**

tö nes as cherié por la vita, ..... *deache t'es n Dio dla vita,*  
 tö nes as mené to Fi Gejú desco Salvatur, ..... *deache t'es n Dio dla vita,*  
 con el á belo metü man to regn, ..... *deache t'es n Dio dla vita,*  
 Gejú Crist, co é mort por nos, aste ressuscité, ..... *deache t'es n Dio dla vita,*  
 te i as dé a d'el na vita co ne conesc nia plü la mort, ... *deache t'es n Dio dla vita,*  
 con Gejú Crist cherdeste nüsc defunc ala ressureziun,. *deache t'es n Dio dla vita.*

GL

**Le Credo cunté ai mituns (10)**



**I creii tal Spirit Sant**

Vigne ciasa adora na bona fondamonta y vigne len na raisc tifa. Sc'al fala la fondamonta o la raisc bastel en ont sterch por rosedé le len y fá tomé adöm na ciasa. Le Spirit Sant é na fondamonta, na raisc por nosta vita. Sön él podunse costruí. El é la forza co se porta y co fej sterch nosc cör. Deache él é ci co se liéia danter nos y con Gejú Crist. Le Spirit de Chelbeldio se dá coraji y sügherté, ligreza y speranza. Sc'i sun liés a Chelbeldio pó nosta vita garaté. Le Spirit de Chelbeldio se condüj adöm tla Dlijia. Cösc festejunse en Pasca de Ma.